

PANDORA Uhapšeni ispitani, slijede potjernice za nedostupnima KEMAL CAUSEVIC SVE NEGIRAO

Za 30 osoba predložen pritvor zbog opasnosti od ometanja istrage i uticaja na svjedoke

Kemal Čaušević, nekadašnji direktor Uprave za indirektno oporezivanje BiH, koji je sa više od 30 osoba uhapšen u akciji Pandora, tokom saslušanja u Agenciji za istrage i zaštitu BiH (SIPA), negirao je sva djela koja su mu stavljena na teret. Ovo je za Oslobodjenje potvrdio njegov advokat Asim Čmalić.

Podizanje optužnice

- Sve navode koje je Tužilaštvo predočilo mom klijentu, on je tokom ispitivanja uvjerljivo osporio i odgovorio je na sva postavljena mu pitanja, dodao je Čmalić, te pojasnio da su Čauševiću na teret stavljena krivična djela organizirani kriminal, zloupotreba službenog položaja, prevara, porezna utaja i carinska prevara.

Prema riječima Borisa Grubešića, portparola Tužilaštva BiH, uhapšene osobe su ispitane pred tužilačkim timom iz Posebnog odjela za organizirani kriminal.

- Izvjesno je da će biti zatražena mjera pritvora za veći broj osumnjičenih, njih oko 30, uglavnom zbog opasnosti od ometanja istrage i uticaja na svjedoke, kazao je Grubešić, ističući da Tužilaštvo BiH



Privođenje osumnjičenih u prostorije SIPA

Obavezna suspenzija

- Ako se uhapšenima odredi mjera pritvora, tada je, po zakonu, obavezna suspenzija. Ukoliko bude određena mjera zabrane i ovisno od toga šta u odluci bude pisalo, postupat ćemo po tome. Provest će se i disciplinski postupak koji može rezultirati suspenzijom s posla, pojasnio je Ratko Kovačević, portparol UIOBiH.

nastavlja rad na ovom predmetu, u pravcu podizanja optužnice. Na naše pitanje ima li osumnjičenih u ovom predmetu koji su u bijegu, Grubešić je kazao "da će o tome Tužilaštvo BiH donijeti odluku naknadno i vjerovatno će se odnosi-

ti na traženje raspisivanja potjernica za određeni broj osoba koje su nedostupne organima gonjenja".

Osim Čauševića, u Pandorisu privedeni i Zdravko Cvjetinović, pomoćnik direktora Sektora za carine UIOBiH, Alija Mašić, bivši šef Carin-

skе ispostave Sarajevo, bivši šef Carinske ispostave Gradiška Nedeljko Milovanović, Milenko Nikić, bivši šef Carinske ispostave Brod, te Avdija Škahić, jedan od aktuelnih čelnika Carine u Brodu. Anes Sadić i njegova supruga, koji su jučer došli u Tužilaštvo BiH, uhapšeni su, a istraga je navodno otvorena i protiv Gorana Marinkovića, Edina Nukića, Almira Kadića, Radovana Đurića, Nedeljka Milovanovića, Janka Jovanovića, Milanka Nikića, Jasne Liović, Miroslava Kragulja, Svete Miljića, Ljubomira Vlajnića, Dragana Tomića...

Osmomjesečna istraga

Pandora je uslijedila nakon što je Tužilaštvo okončalo osmomjesečnu istragu, pokrenutu zbog koruptivnih krivičnih djela organiziranog kriminala, carinskih i poreznih utaja, nezakonitog opraštanja poreza i povrata PDV-a, pranja novca, te zloupotrebe položaja ili ovlaštenja u vezi sa uvozom tekstilne i druge robe u BiH. Provođi se i finansijska istraga sa ciljem blokiranja i oduzimanja nezakonite imovinske koristi i imovine u višemilionskim iznosima, koju su uhapšeni stekli. **A. BRKIĆ - ČEKIĆ**